



## SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» br. 95/12 i 41/16), člana 25. Pravilnika o godišnjim finansijskim izvještajima političkih stranaka («Službeni glasnik BiH» br. 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

### IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2018. GODINU HRVATSKE SELJAČKE STRANKE BOSNE I HERCEGOVINE

Broj: 03-07-6-440/19  
Sarajevo, 14.09.2020. godine

## S A D R Ź A J

MIŠLJENJE REVIZORA.....	3
1. UVOD.....	4
2. PREDSTAVLJANJE POLITIČKE STRANKE.....	4
3. OPIS REVIZIJE.....	4
Predmet pregleda i kontrole. ....	4
Cilj pregleda i kontrole.....	4
Obim pregleda i kontrole.....	5
4. PRETHODNE KONTROLE I REVIZIJE.....	5
5. NALAZI I PREPORUKE REVIZIJE.....	5
5.1. NALAZI.....	5
5.2. PREPORUKE .....	7

## MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Hrvatske seljačke stranke Bosne i Hercegovine za 2018. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

**Pregledom finansijskog izvještaja za 2018. godine, utvrđeno je da je Hrvatska seljačka stranka Bosne i Hercegovine prekršila odredbe člana 11. stav (1) i člana 12. Zakona o finansiranju političkih stranaka.**

**Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.**

## 1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja Hrvatske seljačke stranke Bosne i Hercegovine za 2018. godinu.

Pregled i kontrola finansijskog izvještaja je provedena u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Hrvatska seljačka stranka Bosne i Hercegovine finansirala se iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica ( 3-a )	555,55	34,15
3.	Prilozi pravnih lica ( 3-b )	0,00	0,00
4.	Prihodi od imovine ( 3-c )	0,00	0,00
5.	Prihodi od dobiti preduzeća u vlasništvu političke stranke ( 3-d )	0,00	0,00
6.	Prihodi od poklona ( 3-e )	0,00	0,00
7.	Prihodi iz budžeta ( 3-f )	1.071,00	65,85
8.	Prihodi od propagande ( 3-g )	0,00	0,00
<b>I</b>	<b>Ukupni prihodi (1-8)</b>	<b>1.626,55</b>	<b>100,00</b>
<b>II</b>	<b>Ostali prihodi i drugo</b>	<b>0,00</b>	<b>0,00</b>
	<b>Izvori finansiranja (I+II)</b>	<b>1.626,55</b>	<b>100,00</b>

U godišnjem finansijskom izvještaju za 2018. godinu Hrvatska seljačka stranka Bosne i Hercegovine iskazala je rashode u ukupnom iznosu od 32.611,80 KM.

## 2. PREDSTAVLJANJE POLITIČKE STRANKE

Naziv političke stranke: Hrvatska seljačka stranka Bosne i Hercegovine. Skraćeni naziv stranke: HSS BiH.

Stranka je registrovana kod Općinskog suda u Mostaru, Rješenjem broj: R/3-16 od 29.02.2016. godine. Sjedište političke stranke je u Mostaru, ulica Kralja Tomislava 99/IX.

Lice ovlašteno za zastupanje stranke u 2018. godini bio je Ante Jukić, predsjednik stranke<sup>1</sup>.

Lice ovlašteno za podnošenje finansijskih izvještaja za 2018. godinu je Jakov Marić.

Prema podacima iz godišnjeg finansijskog izvještaja za 2018. godinu, Hrvatska seljačka stranka Bosne i Hercegovine nema niže organizacione dijelove.

## 3. OPIS REVIZIJE

**Predmet pregleda i kontrole** je godišnji finansijski izvještaj Hrvatske seljačke stranke Bosne i Hercegovine za 2018. godinu.

**Cilj pregleda i kontrole** je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju

<sup>1</sup> Predsjednik Hrvatske seljačke stranke Bosne i Hercegovine Ante Jukić je, aktom od 01.01.2019. godine, obavijestio Centralnu izbornu komisiju BiH da je podnio ostavku na mjesto predsjednika ove političke stranke, pa će do izbornog sabora HSS-a BiH ovlaštena osoba za predstavljanje stranke biti Igor Martić.

političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

**Obim pregleda i kontrole** finansijskog izvještaja Hrvatske seljačke stranke Bosne i Hercegovine obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava. Obim kontrole je ograničen jer stranka nije dostavila poslovne knjige i dodatnu dokumentaciju.

#### **4. PRETHODNE KONTROLE I REVIZIJE**

Služba za reviziju je izvršila pregled, reviziju i kontrolu finansijskih izvještaja Hrvatske seljačke stranke Bosne i Hercegovine u periodu od 2016. do 2017. godine, nakon kojih su izdati izvještaji o pregledu i reviziji sa mišljenjem revizora, nalazima i preporukama revizije.

Služba za reviziju izvršila je reviziju godišnjeg finansijskog izvještaja za 2017. godinu, nakon čega je izdat izvještaj o reviziji sa mišljenjem revizora, nalazima i preporukama stranci da vodi poslovne knjige u skladu sa računovodstvenim propisima, da uspostavi potpune i tačne evidencije o svojim prihodima i rashodima, da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka, da u finansijskom izvještaju iskaže koristi ostvarene od aktivnosti subjekata koji su na bilo koji način povezani sa strankom ili su pod njenom kontrolom i da dostavlja i drugu dokumentaciju po zahtjevu Centralne izborne komisije Bosne i Hercegovine.

##### **Nerealizovane preporuke:**

Na osnovu uočenih nedostataka u godišnjem finansijskom izvještaju za 2018. godinu, utvrđeno je da Hrvatska seljačka stranka Bosne i Hercegovine nije ispoštovala ranije date preporuke revizije.

#### **5. NALAZI I PREPORUKE REVIZIJE**

##### **5.1. NALAZI**

**Hrvatska seljačka stranka Bosne i Hercegovine prekršila je odredbe člana 11. stav (1) i člana 12. Zakona o finansiranju političkih stranaka.**

Hrvatska seljačka stranka Bosne i Hercegovine nije uspostavila pravilne i potpune evidencije o svojim prihodima, rashodima i obavezama, nije vodila poslovne knjige i podnijela finansijske izvještaje u skladu sa Zakonom o računovodstvu i reviziji FBiH, nije podnijela godišnji finansijski izvještaj za 2018. godinu u zakonom utvrđenom roku i na način utvrđen Pravilnikom o godišnjim finansijskim izvještajima političkih stranaka i nije dostavila dodatnu dokumentaciju, čime je prekršila odredbe člana 11. stav (1) i člana 12. stav (1), stav (4) i stav (5) Zakona o finansiranju političkih stranaka.

(1) Hrvatska seljačka stranka Bosne i Hercegovine je godišnji finansijski izvještaj za 2018. godinu podnijela nakon zakonom propisanom roka, čime su prekršene odredbe člana 12. stav (4) Zakona o finansiranju političkih stranaka.

Hrvatska seljačka stranka Bosne i Hercegovine je Centralnoj izbornoj komisiji Bosne i Hercegovine dostavila godišnji finansijski izvještaj u pisanoj formi dana 14.05.2019. godine. Dana 10.07.2019. godine politička stranka je podnijela godišnji finansijski izvještaj i putem aplikacije FI CIK BIH.

Uvidom u dostavljeni izvještaj, utvrđeno je da stranka nije dostavila obrazac 2.1. (pregled stanja blagajne) u čvrstoj kopiji, što je suprotno odredbama člana 3. stav (1) Pravilnika godišnjim finansijskim izvještajima političkih stranaka-u daljem tekstu: Pravilnik.

(2) Hrvatska seljačka stranka Bosne i Hercegovine je uz godišnji finansijski izvještaj umjesto Godišnjeg obračuna (Bilansa stanja i Bilansa uspjeha) za 2018. godinu dostavila Tabelu sa podacima o prometu

izvoda, prihodima i rashodima, što ukazuje da ne vodi poslovne knjige i ne podnosi finansijske izvještaje u skladu sa Zakonom o računovodstvu i reviziji FBiH.

(3) Uvidom u Izvještaj o računima pravnog lica koji se vodi kod Centralne banke BiH od 21.05.2019. godine, utvrđeno je da stranka na obrascu 2 (pregled prometa svih transakcionih računa stranke) finansijskog izvještaja nije iskazala transakcioni račun stranke broj: 1610000157920085 otvoren kod Raiffeisen banke d.d Sarajevo<sup>2</sup>, čime je prekršila odredbe člana 11. Pravilnika.

(4) Kontrolom podataka koji su navedeni u Tabeli sa podacima o prometu izvoda, prihodima i rashodima-u daljem tekstu: Tabela, utvrđeno je da je stranka izvršila isplatu novca sa računa na blagajnu u ukupnom iznosu od 11.500,00 KM.

Stranka navedene uplate sredstava nije iskazala na obrascu 2.1 (stanje blagajne), niti je iskazala promet izlaza sa blagajne, odnosno saldo na dan 31.12.2018. godine, čime je prekršila odredbe člana 12. Pravilnika.

(5) Stranka nije na obrascu 3. (izvori finansiranja) i obrascu 3-f (prihodi iz budžeta) godišnjeg finansijskog izvještaja iskazala prihode iz budžeta Grada Grude u iznosu od 1.000,00 KM, čime je prekršila odredbe člana 13. i člana 19. Pravilnika.

Uvidom u akt Općine Grude broj: 06-14-1905-1/19 od 06.12.2019.godine, utvrđeno je da su iz budžeta Grada Grude stranci uplaćena sredstva u ukupnom iznosu od 1.000,00 KM. Sredstva su uplaćena u dvije tranše u iznosima od 250,00 i 750,00 KM i to na transakcioni račun broj: 1610000157920085 otvoren kod Raifesen banka d.d. Sarajevo.

Stranka u Tabeli koju je dostavila nije evidentirala prihode iz budžeta Grada Grude u iznosu od 1.000,00 KM.

(6) Uvidom u obrazac 4.1 (režijsko-administrativni i ostali troškovi) finansijskog izvještaja, utvrđeno je da stranka nije transparentno prikazala troškove sredstava, iako se finansirala iz budžeta općina.

Stranka je u obrascu 4.1 iskazala ukupne troškove u iznosu od 32.611,80 KM i to: takse, novčane kazne i sl. u iznosu od 1.000,00 KM, troškove kancelarijskog materijala u iznosu od 11.500,00 KM, troškove platnog prometa u iznosu od 111,80 KM i troškove neproizvodnih usluga u iznosu od 20.000,00 KM.

U skladu sa odredbama člana 12. stav (4) Zakona o finansiranju političkih stranaka i odredbama člana 21. i člana 22. Pravilnika, stranka je bila obavezna sve neproizvodne usluge iskazati po vrstama usluga (kao npr: advokatske, knjigovodstvene usluge i sl.).

(7) Na obrascu 5 (obaveze stranke) godišnjeg finansijskog izvještaja stranka nije iskazala obaveze na dan 31.12.2018. godine, čime je prekršila odredbe člana 24. Pravilnika.

- Na osnovu podataka iz službenih evidencija koje vodi Centralna izborna komisija Bosne i Hercegovine, utvrđeno je da stranka u godišnjem finansijskom izvještaju za 2018. godinu nije iskazala obaveze po osnovu neplaćene kazne u iznosu od 1.000,00 KM.

Uvidom u Odluku broj: 03-07-6-464/18 od 20.12.2018. godine utvrđeno je da je Centralna izborna komisija Bosne i Hercegovine političkoj stranci Hrvatska seljačka stranka BiH zbog kršenja odredaba Zakona o finansiranju političkih stranaka izrekla novčanu kaznu u iznosu od 1.000,00 KM.

S obzirom da stranka nije platila novčanu kaznu, obaveza stranke po osnovu neplaćene kazne na dan 31.12.2018. godine iznosi 1.000,00 KM, što je stranka trebala evidentirati u poslovnim knjigama i iskazati u obrascu 5 (obaveze) godišnjeg finansijskog izvještaja.

- Stranka je u Tabeli koju je dostavila umjesto poslovnih knjiga, evidentirala pozajmice u ukupnom iznosu od 30.000,00 KM. Navedene pozajmice stranka nije iskazala u obrascu 5.

---

<sup>2</sup> U zahtjevu za dostavu dodatne dokumentacije od 09.08.2019. godine, zatraženi su izvodi sa navedenog računa, koje stranka nije dostavila.

(8) Dana 09.08.2019. godine, Centralna izborna komisija Bosne i Hercegovine je stranci uputila Zahtjev za dostavljanje dodatne dokumentacije broj: 03-07-6-440-3/19, kojim je zatraženo da dostavi: Bruto bilans stranke na dan 31.12.2018. godine, dokumentaciju o korištenju poslovnih prostora u 2018. godini (dokaz o vlasništvu nad nekretninama, ugovor o zakupu, odluku ili izjavu), Glavnu knjigu sa kompletnim analitičkim evidencijama stranke za period 01.01.-31.12.2018. godine, Završni račun (Bilans stanja i uspjeha) za 2018. godinu i kopije izvoda sa transakcijskih računa stranke: računa broj: 30600602001013423 kod Addiko banke, računa broj: 3382402212927729 kod Unicredit banke i računa broj: 1610000157920085 kod Raiffeisen bank dd Sarajevo za period 01.01.-31.12.2018. godine.

Kako stranka u ostavljenom roku nije dostavila dodatnu dokumentaciju upućena je Urgencija za dostavljanje dokumentacije broj: 03-07-06-440-4/19 od 14.10.2019. godine.

U ostavljenom roku, stranka nije dostavila traženu finansijsku dokumentaciju.

S obzirom da Hrvatska seljačka stranka Bosne i Hercegovine nije postupila u skladu sa zahtjevom i urgencijom Centralne izborne komisije Bosne i Hercegovine, odnosno nije dostavila traženu dokumentaciju, prekršila je odredbe člana 12. stav (5) Zakona o finansiranju političkih stranaka.

## **5.2. PREPORUKE**

*Preporučuje se Hrvatskoj seljačkoj stranci BiH da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:*

- *da vodi tačne evidencije o svojim prihodima, rashodima i obavezama, odnosno da vodi poslovne knjige i podnosi finansijske izvještaje u skladu sa računovodstvenim propisima,*
- *da finansijske izvještaje koje podnosi Centralnoj izornoj komisiji BiH dostavlja u zakonom propisanom roku i popunjava na način utvrđen Pravilnikom o godišnjim finansijskim izvještajima političkih stranaka i*
- *da dostavlja traženu dodatnu finansijsku dokumentaciju.*

## **KOMENTAR**

U ostavljenom roku, Hrvatska seljačka stranka Bosne i Hercegovine nije se očitovala na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2018. godinu.

Šef Odsjeka za revizijske poslove

Sanja Tošović

Revizor

Nevenko Andan

Šef Službe za reviziju

Mr. sc. Hasida Gušić